

Perqué le pèi veugnon blan ?

Tcheu san - é eun mouis se tracachon ! - que le premi plet su lo vezadzo é le premi pèi blan su la tita (la canizia, comme dion le spésialiste), son le premie marque de noutro cor que l'è eun tren de viin vioù.

La couleur di noutre pèi é de noutra pi veun de la mélanina, eun pimàn produi pe le sellule de la pi.

Le pèi blantsèyon can le sellule, que son i cu de tsaque pèi de noutro cor, produèison pamì de mélanina.

No sen que le-z-albeun l'an la pi é le pèi blan a coza de la mancane de mélanina, eun consécane d'an mutachón jénéteucca : l'an la lenetta di joué rodze péqué la coroida, eunna di peillatte di joué, manque de pimàn é reflètèi la lemiye di petchoude vén-e di joué.

Le pèi veugnon blan pe de rèizón jénéteuque é sen pou arrevé pi vito i-z-eun que i-z-atre.

Le-z-Amérindièn si tracas lo l'an pa, péqué eun tchi leur son bièn rer le plemoù é sisse di pèi blan.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Tiré de : www.cybersciences.com, écrit par Philippe Chartier
Texte publié en 2008 dans « Le-z-Amaveulle » - Bibliothèque d'Aymavilles
Collaborateur d'Aymavilles pour la traduction : **Liliana Bertolo**
La transcription a été soignée par le Guichet Linguistique
Mise à jour de la graphie : octobre 2013